

# DELEGASI SERANTAU KUALA LUMPUR



Jawatankuasa Antarabangsa Palang Merah (ICRC) telah bekerjasama dengan Malaysia sejak 1972 dan telah menubuhkan delegasi serantau di Kuala Lumpur pada tahun 2001 bagi menyelia aktiviti ICRC di Malaysia, Brunei dan Singapura.

Ia mempromosi nilai-nilai kemanusiaan, serta norma-norma dan piawaian antarabangsa yang berkaitan dengan agensi-agensi kerajaan, pihak penahanan, angkatan tentera dan keselamatan, dan masyarakat madani. Kami juga berhubung rapat dengan pertubuhan-pertubuhan kebangsaan dan serantau, termasuk ASEAN,

untuk memahami isu-isu kepentingan bersama dan untuk berkongsi kepakaran teknikal, pengalaman, analisis dan sokongan-sokongan lain. Kebanyakan kerja-kerja ini dijalankan bersama dengan Bulan Sabit Merah Malaysia, Bulan Sabit Merah Brunei Darussalam dan Palang Merah Singapura.

## MEMBERI SOKONGAN UNTUK MEMENUHI KEPERLUAN ORANG YANG DILUCUTKAN KEBEBASANNYA

Di Malaysia, ICRC memberi sokongan kepada Jabatan Penjara, Jabatan Imigresen dan Pasukan Petugas Khas Persekutuan di Sabah untuk membantu memenuhi keperluan tahanan. Dengan kerjasama pihak berkuasa, kunjungan tetap terhadap tahanan dilakukan, bagi menyokong usaha pihak berkuasa untuk memastikan syarat dan layanan terhadap orang yang ditahan di pusat tahanan imigresen, pusat tahanan sementara dan penjara di dalam negara memenuhi piawaian kebangsaan dan antarabangsa.

Dengan bekerjasama dengan Bulan Sabit Merah Malaysia dan persatuan kebangsaan yang lain dan juga rangkaian Pemulihan Hubungan Kekeluargaan di seluruh dunia, ICRC membolehkan tahanan berhubung semula dengan keluarga mereka.



Penyediaan racun serangga semasa kempen kebersihan di penjara.

# MEMPROMOSIKAN UNDANG-UNDANG KEMANUSIAAN ANTARABANGSA DAN DEBAT KEMANUSIAAN



Pelajar menghadapi 'askar' yang tegas dalam pertandingan main peranan UUKA.

ICRC bekerja rapat dengan badan-badan kerajaan dan Pejabat Peguam Negara dalam penintegrasian undang-undang kemanusiaan antarabangsa (UUKA) dan norma-norma lain yang berkaitan

ke perundangan domestik. ICRC juga terlibat dalam kerjasama konstruktif dengan organisasi / pelbagai hala seperti ASEAN, terutamanya melalui negara-negara yang menjadi pengerusi dan jawatankuasanya.

Untuk mendekati para pembuat keputusan dan pemimpin masa depan, ICRC menyokong pengajaran dan pembelajaran undang-undang kemanusiaan dan prinsip-prinsipnya di universiti, sekolah menengah dan di kalangan belia di persatuan kebangsaan Bulan Sabit Merah atau Palang Merah. Di ketiga-tiga negara ini, pelajar dan para pendidik mengambil bahagian dalam pelbagai acara tempatan dan serantau.

Kami memantau trend serantau dan aktif bersuara dalam debat kemanusiaan serantau, terutama mengenai isu-isu migrasi, pelaksanaan UUKA di peringkat domestik, hubungan tentera dengan awam serta cara dan kaedah peperangan baru (termasuk peperangan siber).

## BEKERJA BERSAMA DENGAN PASUKAN BERSENJATA DAN PASUKAN KESELAMATAN

ICRC menyediakan sokongan berterusan dalam penyebaran UUKA kepada pegawai dan anggota tentera di Malaysia, Brunei dan Singapura melalui Kolej Pertahanan dan Staf Ketenteraan, unit latihan dan eksekutif ketenteraan. Di Malaysia kami bekerjasama dengan Pusat Peperangan Bersama (PESAMA) untuk semakan doktrin dan di Pusat Latihan Pengaman Malaysia di Port Dickson untuk latihan pra-penugasan untuk pegawai tentera Malaysia dan Brunei serta pemerhati PBB.

Kami juga menganjurkan seminar dan bengkel untuk semua peringkat Angkatan Tentera Malaysia bagi mempertingkatkan pemahaman dan pelaksanaan undang-undang kemanusiaan antarabangsa dalam operasi mereka. ICRC menyediakan input dalam perancangan dan pelaksanaan latihan serta memainkan peranan sebagaimana yang dimandatkan semasa eksekutif ketenteraan.

Pegawai kanan polis membincangkan kajian kes di bengkel Standard Kepolisan Antarabangsa.



Pusat Undang-undang Tentera dan Undang-Undang Kemanusiaan Antarabangsa telah ditubuhkan dengan kerjasama Universiti Pertahanan Nasional Malaysia (UPNM). Pusat ini menjadi pusat setempat bagi menggalakkan penyebaran pengetahuan dalam undang-undang tentera dan UUKA di kalangan anggota Angkatan Tentera Malaysia dan angkatan tentera serantau dan komuniti undang-undang, dengan tujuan untuk membina kapasiti tempatan di rantau ini.

Bekerjasama rapat dengan Polis Diraja Malaysia,

Polis Marin dan Agensi Penguatkuasaan Maritim Malaysia (MMEA), ICRC menyebarkan dan berkongsi kepakaran tentang standard kepolisian antarabangsa, termasuk pengurusan ketenteraman awam. Pegawai tentera dari ESSCOM atau pasukan penguatkuasaan peronda sempadan turut menghadiri acara-acara seperti ini. Di samping itu, ICRC mengekalkan dialog dengan sekretariat ASEANAPOL untuk mempromosikan pengetahuan, pemahaman dan penerimaan mandatnya di kalangan negara-negara anggota.

## DIPLOMASI KEMANUSIAAN

ICRC mengambil bahagian dalam forum pelbagai hala yang utama, termasuk Forum Ekonomi Dunia, ASEAN, Dialog Shangri-La dan di Persidangan Meja Bulat Asia Pasifik. Ia juga mengekalkan dialog berterusan dengan pegawai meja ASEAN

di Malaysia, Singapura dan Brunei serta entiti berkaitan ASEAN yang lain seperti Suruhanjaya Hak Asasi Manusia antara ASEAN (AICHR), Yayasan ASEAN dan Suruhanjaya ASEAN untuk Hak Wanita dan Kanak-kanak (ACWC).



Dialog bersama badan pemikir mengenai isu-isu kemanusiaan.

Penglibatan rapat dengan badan pemikir utama, seperti Institut Kajian Strategik dan Antarabangsa (ISIS) di Malaysia dan di Singapura dengan Sekolah Pengajian Antarabangsa S.Rajaratnam (RSIS) dan Institut Kajian Asia (ARI) juga penting untuk kerja kami di rantau ini.

ICRC terlibat dengan aktor kemanusiaan, termasuk NGO agama dan ahli akademik, untuk bertukar pengalaman dan amalan terbaik mengenai tindakan dan prinsip kemanusiaan. Kami juga bekerjasama rapat dengan media untuk menyumbang kepada liputan media tentang berita



Perbincangan kumpulan mengenai undang-undang kemanusiaan di Kem Belia Serantau yang dianjurkan oleh Bulan Sabit Merah Malaysia.

kemanusiaan.

## BEKERJA BERSAMA SEKTOR SWASTA

ICRC mengekalkan dialognya dengan sektor swasta dan rangkaian perniagaan di Malaysia dan Singapura, memupuk minat dan peningkatan kepakaran dalam kerja dan

kepakaran Pergerakan Palang Merah dan Bulan Sabit Merah. Kami juga bekerjasama rapat dengan Palang Merah Singapura mengenai strategi pengumpulan dana sektor swasta.

## BEKERJASAMA DENGAN PERGERAKAN PALANG MERAH DAN BULAN SABIT MERAH

ICRC bekerjasama dengan Bulan Sabit Merah Malaysia (BSMM), Palang Merah Singapura (SRC) dan Bulan Sabit Merah Brunei Darussalam (BRC) dalam pelbagai bidang termasuk mempromosikan UUKA, Memulihkan Hubungan Kekeluargaan (RFL), dan komunikasi awam.

Bekerjasama rapat dengan Persekutuan Antarabangsa Palang Merah dan Bulan Sabit

Merah (IFRC), ICRC membantu ketiga-tiga persatuan kebangsaan untuk mengukuhkan keupayaan mereka dan untuk menggalakkan prinsip-prinsip asas pergerakan. Bersama IFRC, kami membantu dalam mewujudkan kaedah dan platform yang memudahkan respon kemanusiaan Pergerakan Palang Merah dan Bulan Sabit Merah di seluruh rantau ini.

Jawatankuasa Antarabangsa Palang Merah (ICRC)  
Unit 50-11-1, Level 11, Wisma UOA Damansara,  
No. 50, Jalan Dungun, Damansara Heights,  
50490 Kuala Lumpur, Malaysia  
T: +603 2084 1800 F: +603 2084 1999  
E [kualalumpur@icrc.org](mailto:kualalumpur@icrc.org) W [www.icrc.org](http://www.icrc.org)  
Foto muka depan: Hairul Ismail/UPNM  
© ICRC, Jun 2018

